



Estd 1986

AGAPE

Vol. XXVIII No. 260

FEBRUARY 2014



‘Nangnin tu nge a ni mi tih?’

Phek 7-na

Kristian Chhungkua ♦ Sermon ♦ Article ♦ Hriselna huang

Lak man	:	Kum khatah	₹ 60.00
		Copy khat	₹ 5.00

EDITORIAL BOARD

<i>Editor</i>	:	<i>H. Lalfakmawii</i>
<i>Joint Editors</i>	:	<i>C. Lalneihthangi</i> <i>Lalrindiki</i>
<i>Circulation Manager</i>	:	<i>H. Lalpianthangi</i>
<i>Member-te</i>	:	1. <i>Rosangpuii</i> 2. <i>Parchhuaki</i> 3. <i>Sailuti</i> 4. <i>Vanrammawii</i> 5. <i>Rev. K. Lalpiangthara</i>
<i>Publisher</i>	:	<i>Rev. Lalramliana Pachuau</i>
<i>Agape Phone No.</i>	:	0389-2326372
<i>email :</i>		0389-2301824 (<i>Heng number-ah hian</i>
<i>agapechanchinbu@gmail.com</i>		0389-2322285 (<i>office hun chhungin</i> <i>biak theih a ni.</i>)

A chhunga thu awmte

- | | | |
|--|---|----|
| 1. Editorial | - | 1 |
| 2. Kristian chhungkua : Mihring nun siam puitling tura
nu pawimawhna | - | 2 |
| 3. Sermon : 'Nangnin tu nge a ni mi tih?' | - | 7 |
| 4. Chi thlah Pathian ngaihsak a zawng | - | 13 |
| 5. Pathianni | - | 17 |
| 6. Hruai bona thlarau | - | 20 |
| 7. Hriselna : Thisen hi eng nge a nih chiah le? | - | 23 |
| 8. Hmangaihna In thilpek dawnte | - | 27 |
| 9. Hruaitute chanchin | - | 31 |

Editorial

Kum thar February thla kan thleng leh ta der mai. Min hruai thlengtut Lalpa chu fakim awm rawh se.

Kohhran hmeichhiaten Bial Inkhawmpui kan neih thla a lo ni leh ta a. Pastor Bial tina Inkhawmpui hmangtute zawng zawngin hlawk taka kan hman theuh kan beisei. Kan intihchak tawnna atan inkhawmpui hi Kohhranin min siamsak a ni tih hre rengin tisa leh thlarau lama hlawkna kan chan ngei theih nan tawngtaina nen theihtawp chhuaha kan inbuatsaih a pawimawh hle.

Inkhawmpui hi kohhranten phur tak leh nghakhlel takin an thleng thin a, chutianga inkhawmpui thlengtute chuan tisa leh thlarau lamah pawh hlawkna an chhar a, malsawmna pawh an dawng nge nge thin. Inkhawmpui boruak pawh Thlarau Thianghlim uapna a nasa nge nge thin. Chutih laiin inkhawmpui thlen leh kal hrim hrim pawh peih lo leh ngaihsak miah lo a awm theih baw. Hetiang mite tan hi chuan Inkhawmpui hlawkna dawn tur a awm lo chu kan ti em lo vang a, hlawkna hmuh erawh a har deuh ngei ang.

Ringtute chu inchhem alha, intinung tawn tur kan nih angin heng hunte hi thlarau lam pur chawh nan leh infuih tharna hun atante hmang ila. Pathian khawngaihna kan chan ang zela mite tana malsawmna kan nih theihna hun atan hman tum ila, mi dangte tana luan chhuah hun atante pawh hmang thei ila a duhawm hle ang.

Kristian Chhungkua

MIHRING NUN SIAM PUTLING TURA NU PAWIMAWHNA

- Dr. Lalrintluanga

Associate Professor, Govt. Aizawl College

Pathianin a thilsiamte enkawl turin mihring, mipa leh hmeichhiaah a siam a. Pathianin duh taka a siam leh a dinte kan ni. Siamtu thinlung puin khawvel hi han thlir teh. A mawi a, a nuamin a va hlimawn em! Siamtu thinlung atang chuan thilsiam tinreng hi an hlu vek a ni. Keiniho pawh hi a kutchhuak niin, thilsiam dangte enkawl tura mawhphurhna nei kan ni. Thilsiam dangte mai pawh ni lovin kan fate leh kan mihringpuite enkawl, zirtir leh kaihruai tura mawhphurhna lian tak chelhtute kan ni.

A pawimawh ber: Chhia leh tha hritna neia siam mihringte hian mi hriat leh ngaih pawimawh nih chu nuam kan ti vek a. Mi chhia leh baihvai ber pawhin hriat hlawn lohna hmun chu nuam kan ti lo. Chu chu mihring rilru put hmang dik tak a ni. Mi pawimawh chuan hriat, duhsak leh ngaihhlut a hlawn a, chawimawiin a awm thin. Chutiang dinhmuna awmte chuan harsatna tam tak an lo pal tlang tawh thin. Keini, nute hi mawhphurhna lian tak neiin, mi pawimawh tak kan ni ve lo mai thei. Nimahsela,

Khawvel fang chhuak mah ila, keini aia pawimawh leh tling zawk tu mah an awm lohna hmun pakhat chauh a awm. Chu chu kan CHHUNGKUA theuh hi a ni. Chhungkuaa nu pawimawhna hi sawi chhuah thiam mai phak pawh a ni lo ve. Kawng hrang hranga chhungkua enkawla, vawng feltu an nih avangin chhungkaw tina mi pawimawh ber chu **Nute** hi an ni.

Phuar khawmtu: Chhungkuaah chuan PA a awm a, NU a awm a, FATE an awm

bawk a. Nu chu chhungkuaah ‘engkim’ an ni ringawt, an tel lo chuan chhungkua a ruak a, NU awm lohna chhungkuaah chuan pa leh fa an khua a har a, an tlei lo va, an thla a muang lo a ni. Nu chu hmangaihnaa chhungkaw phuar khawmtu a ni. ‘Hmangaihna hi lak bo ni ta se, kan LEI hi thlan in ang chauh a ni ang,’ tiin Robert Browning chuan a sawi hial a. In chu hmanruaa sak a ni a, chhungkua erawh chu hmangaihnaa phuar khawm a ni. Chu phuar khawmtu hrui chu nu thinlung atangin a lo chhuak thin. Nu chu fa hringtu leh hnutetua chawm liantu a nih avangin fate tana inpekna pawh a thuk hle. E.H. Chafin chuan, ‘Nu hmangaihna thil tih theihzia leh duhawmzia hi eng tawng mah hian a hrilh fiah zo lo ve,’ a ti.

Inpekna famkim: Mihring nih chhungin bawrhsawmnain mi a tlakbuak chang a awm thei. Chutianga hun a lo thlen chuan nu chu DOCTOR angin a duty a, NURSE angin min enkawl thin. Nu inpekna hlutzia chu hetiang

hian an lo phuah chhuak a, ‘....ka damlova, a tlaivar a, ka tap a, mi lo chawi mu thin, hah takin, chak lo chung pawhin, ka nu, ka nu duh tak chu,’ tiin. Ril tam leh rimtawng a sawi phal lo. Lainatna mita enin, duat takin a vil reng thin. “Nute thinlung hi Pathian kutchhuak mawi ber mai chu a ni” tiin Erminio Cripp-a chuan a sawi hial.

Chhungkuaah hian tih tur a va tam em! Rethaih hian chhangchhiat a tizual kai a; nimahsela, a hausak theih ngawt si loh. Chhangchhiatna lah chu pumpelh mai chi a ni hek lo. “...a chhia, siam that a ngai,” “...ka duh,” “...min kalpui rawh,” “...min lak teh,” tiin duh duhin nu ber chu pa leh faten an tir kat dawt dawt a nih ber mai hi maw! Heng zawng zawng hlen chhuak tur hian nu chuan tirhkah hna a thawk a. Hmangaihna chuan a dawhthei a, ngil a nei. A thinur duh lo va, a tuar hram hram thin. Nu chuan INPEKNA FAMKIMIN chhungkua a enkawl a, a khaiding a ni. A va hlu em!

Ei rawngbawltu: Hma kan sawn a, ei leh bar kan duhtui tial tial. Kan neih phak taw ang zelah tui leh itawm zawka ei siam thiam a hlu. Taksa ngeih tur zawng leh a inchawhpawlh tui dan tur ngaihtuah thiam a pawimawh. Heng zawng zawng hi nu rilruah a luang khawm a. A suangtuahna chu a takin a lantir thin.

Roreltu tha: Fate têt lai leh an len deuh hnuah pawh unau karah, chhungkuaah buaina a chhuak fo. Chutiang hunah chuan nu chu roreltu a ni. Ro a rel a, rem a ruat a, thubuai a ching fel thin. Court Judge ang maiin ni tin thu rem fel tur chi hrang hrang a hmachhawn thin. Chuvangin, Nu chu roreltu fîng leh dik a nih a ngai. Timothy Dwig-ha chuan a hlawhtlinna thuruk chu “Nu dik ka neih vang a ni,” a ti.

Zirtirtu tha: Mi thiamte chuan ‘chhungkua hi zirna in hmasa ber a ni,’ an ti. Upa K. Saibela chuan -

*“Aw ka nu, aw ka pa,
naupang tê tak tê kan ni.*

*I kutah, i kutah ngei hian
ka nakin nun tur chu a
innghat a.*

*Eng ang mi nge ka la nih
ve ang aw?*

*I mi enkawl danin a zir
ang chu,”*

tiin naupang dinhmuna ding angin a lo au chhuak a ni. Chhungkua aţangin ţawng te, nungchang te, khawsak phung tinreng kan zir chhuak a. Chu ta zirtirtute chu nu leh pate an ni. A bulpui chu nu hi an la ni zawk mah. Lehkhabu aţangin thiamna, finna kan zir chhuak a, chutiang chuan nu leh pa chu fate lehkhabu an ni. Darthlalangah kan inhmu thei angin, kan fate nunah miin min hmu thin a, fate chu nu leh pa darthlalang an ni thung. George Herbert-a chuan, ‘Nu tha pakhat hian zirtirtu za rual a hen a ni,’ a ti hial a ni.

Puanthuitu: Chhungkuaa naupang an la tet laiin thawmhnawte hi a chhe duh zual emaw tih tur a ni a. Chutih rualin pa thawmhnaw pawh thawm that a ngai fo baw. Chutiang hunah chuan

a t̃huina t̃et leh a thler satliahte chu nu chuan a t̃hui t̃ha thiam ngei tur a ni, kawrkilh tla vuah t̃hat thlengin a mawhphurhna a ni tlat. Chhungkaw mamawh zualpui phuhru thei tura inzir pawh a ngai reng a ni.

Chief Minister: State khat chhunga ram rorelna chungchanga thunei bertu chu Chief Minister a ni a. Chutiang chuan chhungkuaah pawh hian nu hi roreltu leh chet latu ber a ni. Pa chuan a lo hriatpuii, a lo pawmpui ve t̃hin. Buhfai lei te, chawhmeh te, bungbel leh thawmhna, etc. lei chu nu kutah a awm a, a rel leh hmalak ang apiang chu chhungkaw dinhmun hriltu a ni.

Pastor leh Upa: Pa mawl ber leh nu f̃ing lo ber pawhin an theih ang tawk zelin an fate chu thil t̃ha an zirtir a. Sakhaw lam thil pheih chu an ngai pawimawh leh zual t̃hin. Mahni fate inkhawm tura fuiha, Pathian thu hrilh t̃hintu a ni. Chhungkuaah chuan Pastor, Pathian thu hriltu leh kohhran upa anga viltu a ni.

Aristotle-a chuan ‘Kâ-a chhuak ni lo, thinlung a tang zawka lo chhuak chu hmangaihna dik a ni e,’ a ti. Nu hmangaihna hi thinlung chhungril ber a tang lo chhuak a ni asin!

Social Worker: Mizo tlangval pakhat, India ram pawna awm chuan hetiang hian a nu hnenah lehkha a thawn a, *“Ka nu, he thu ‘... inhau suh u, nakina in awm darh hunah in la in chhir ang’, tia kan unau min hrilh laia kan nuih zat t̃hin kha ka la hre reng. Tunah chuan i thusawi dikzia ka hre thiam ta. Ka nunah hian chhuan tur hlu tak mai ka nei, thamna ka la duh ngai reng reng lo va, rilruin thiam min chantir loh tur thil pawh ka ti thei bawk hek lo. Heng hi mi zirtirna vang liau liau a ni. He nun hian min chenchilh reng pawh ka beisei,”* tiin. Hetianga fain a nu hnenah lehkha a thawn theihna hi a nu thawhrimna vang a ni. A t̃ul dan ang zelin a fuih a, a thunun t̃hin.

Nu t̃hahnemngaihna khawtlang nun a siam t̃ha a

ni. D.L. Moody-a pawhin ‘Nu zawng zawng hi ka nu ang ni sela, tan in (jail) awm a ngai lo vang,’ a ti hial reng a ni. Nu chu ram leh hnam tan thawktu ropui a tling. Abraham Lincoln-a chuan, ‘Tun dinhmuna ka din theihna chhan chu ka nu vang a ni,’ a ti baw.

Thawhrinma tel lovin sum tam tak i hai lut a ni thei e, mihring nunah erawh chuan thawhrinma tel lovin rah tha i seng tawp lo vang. Sumin thil tha tam tak i lei thei a,

nun tha erawh chu suma lei theih a ni lo.

Nute hi an va pawimawh em! Kan rama سوالنا chi hrang hrang mipat hmeichhiat nun khaw lohna te, ruihhlo hman سوالنا te hi tihreh theih niin kan ring em? Politics tui nu tak hi a tihfim leh theih ang em? Zirna lamah tuna aia nasa hian tan kan la thei ang em? Kristianna hi hei aia tha zawkin a nun chhuahpui theih ang em? Heng zawhna hrang hrang chhanna dik ber eng nge ni ang le? Tu nge mawhpur?



Billy Graham-a kam chhuak:

Ṭawngṭai laia kan taksa dah dan aiin kan rilru put danin awmzia a nei thui zawk.

Ka in chu van a ni a, he khawvel hi ka zin kawng paltlang mek a ni.

Naupang ama nu leh pa ngei zah nachang hre lo khawpa than lentir chuan mi dang zahna tak tak a nei thei lo.

*Sermon***‘NANGNIN TU NGE A NI MI TIH?’***(Mt 16:15)*

- Dr. Lalnghakthuari
Lecturer, ATC

Thu ziaik tam tak kan hmuh tawh zingah zawhna pawimawh tak, Isuan a zuituten an chhan ngei ngei tura a tih ziahna kan chhiar nual tawh awm e. He zawhna hi keini pawhin kan chhan a tul a, ka ngaihtuahnaa awm ang ang kan thai lang ang e.

Zirna huangah Pathianin min dah ve avangin Lal Isua nihna leh a hnathawh chungchang zirna hi ka zirtir ve a. Ka tuina ber pawh a ni bawh. Kum sawm chuang lai mai chu Isua zawhna pawimawh tak hi zirlaite nen kan chai ho thin a. Kum tinin zirlaiten chhanna an pek hi a danglam zel thin. Kei ngei pawhin Isua zawhna ka chhan dan hi a danglam ve zel bawh a. Tin, he zawhna hmana miten an lo chhanna kha a pawimawh lo tihna ni lovin an hun lai khawvel rilru sukthlek mila an lo chhan avang khan, kan chhan dan nen a inthuhmun thei thin lo. Hebrai ziaktuin “Isua Krista chu nimirah nen, wawihnah nen kumkhua pawhin a pangngaiin a awm

reng a ni,” tiin min lo hrilh a. Kan khawvelte leh kan ngaihtuah dante a danglam thin avang hian, hmana miten Isua an lo hmuh dan kha kan hmuh dan nen inang lo pawh ni se thil awm tak a ni. Isua a danglam lo va, keini mihringte erawh hi chu kan danglam thin a ni.

Engtin nge kan chhan ve ang: Isua hi ‘Krista, Pathian nung Fapa’ (Mt 16:16) tih kha Petera chhanna chu a ni. Chhanna tur dik tak pawh a ni awm e. Chu Pathian nung Fapa, Isua chu ka tan eng nge a nih? Kan tan tu nge a nih a? Kan tan eng nge a tih? Hei hi kan chhanna inthanna tur a nih ka ring. Ni tina ka nun hman mekah hian Isua hi tu nge a nih? Kan nunah hian Isuan eng nge min tihsak? Ka nuna

harsatna leh buaina emaw, khawtlang leh ram leh kohhranin kan buaipui mek harsatna emaw kan neih aṭanga Isua zawhna kan chhan hi a pawimawh hle ang. Chu nun aṭang chuan Isua hi chhanna dik kan pe theiin kan nunah pawh Isua hi a chiang thei ber awm e. *Entir nan* - Isua hi “Ka lal leh chhandamtu a ni” kan ti mai thei awm e. Ka nunah hian Isua lo hi lal tum tam tak an awm ṭhin, heng dam chhung khawsak buaina te, sum leh pai leh ropuina te, san zawk duhnate leh thil dang tam takte hian ka rilru an tibuai a, ka mangang ṭhin. Chungte chuan ka thinlungah lal an inchuh a, ka nun vaw chauvin anmahni ngei chu lalah pawm chang pawh ka nei hman ṭhin. Hetiang karah hian Isuan ‘tu nge ka ni mi tih’ tia min zawhna chu ‘Ka Lal i ni’ tia chhan chu ka harsat viau ang. Mahse, heng ka hrisel lohna hmun aṭang te, ka rilru natna aṭang te, ka hrehawmna leh manganna hmun aṭang te hian Isua zawhna hi chhang ta ila a fiah duh hle awm e.

Latin America ram aṭanga Isua zawhna an chhan dan:

Latin America-ah khuan ram hrang hrang an awm a, ram hausa tia sawi tur pawh an awm lo va, World Bank hnuaiah pawisa tam tak tak an puk hlawm. Chuvangin, mipui zingah pawh rethei an tam zawk hial a. An sawrkar kalphung ṭhat tawh loh vangte pawh a ni ang, mi retheite an rethei tulh tulh a, hausate an hausa tual tual thung a, retheiten hamṭhatna an nei tlem hle. Rethei zawkte tan ram inrelbawlnaah awmze neia tel a harsa a, rethei leh hausa inkar a zau hle a ni.

Latin America ram hrang hranga kohhrante chuan an rama mi retheite dinhmun chu an vei hle mai a. Pathian thu aṭangin siam ṭha turin an bei ta a. Chu chuan rah danglam tak leh ṭha tak a chhuah nghe nghe. An retheina dinhmun aṭanga Isua zawhna an chhan dan tlem tar lang ila.

(1) Isua rawngbawlna leh a thuchah laipui ‘Pathian ram’ chu chik takin an zir a. Isuan he leiah ‘Pathian ram’ chu amah kal tlanga din a tum niin

an hria. Chuta tel tur chuan a hun laia sakhaw puithiamten an thinhrik leh an entleu phar te, natna sala tang te, ramhuai man te, chhiahkhawntute leh mi sual te a sawm ta a. Chung mite chu Isua mi pawimawhte an ni. Isua chu ‘mi sualte thian’ tih loh theih loh a ni. Isua tum ber Pathian ram chu he leia a thlen theih nan Isua hi thlir dan tharin an zir ta a ni.

(2) Mi hnuaiahnung leh mi chanhaite zinga rawngbawla, an zinga chetla thin chu Isua a nih tlat avangin an zinga mi pakhat angin an ngai hial a. Sakhaw puithiam leh dan hre mite zingah te, mi hausa leh awmtheite bulah Isuan rawng a bawl lo va, an kal dan phung Pathian ram nena inrem lo tam tak a sawisel zawk a. Siam that a tum a. Chuvangin, puithiamte leh dan hre mite khan an ngaithei lo hle. Chutianga Isuan rawng a bawl tlat avangin he dam chhung ngeia khawsak dan siam that chu Isua tum niin an ring.

(3) Isua chu an thih hnua mi chanhai leh retheite thian

chauh ni lovin an dam lai ngeia an thian, damna petu a ni tih chu an thupui lian tak a ni. Thlarau chhandamtu chauh ni lovin an dam lai ngeia an hrehawmna leh manganna laka chhandamna petu niin an hria a. Rilru thlarau leh an taksa ngei chhandamtu, retheina laka chhanchhuaktu a ni. ‘Rilru, taksa leh thlarau damna famkim petu a ni’ tiin an pawm nghet tlat a ni.

(4) Latin America rama mite retheihna laka chhan chhuaktu chu Isua a ni. Isua chu chhan chhuaktu leh zalenna petu, an ram din hmun siam thatu niin an ngai tlat a. Isuan “tu nge a ni min tih?” tia a zawhna chu anni chuan, “kan ram retheihna laka min chhan chhuaktu leh mi retheite zalenna petu” tiin an chhang ta a ni.

Isua hi tu nge nia kan hriat ve le? Kan ram, khawtlang leh kohhran dinhmun atanga Isua zawhna kan chhan a pawimawh hle awm e. Kan ram hi a dam em? Kan khawtlang nun hi a hlim tawh em? Kan kohhran

hi a nung em? Mi tin hi kan thla a muang em?

Isua zawhna chhang tur hian Isua hriat dan dik kan mamawh hle mai. Isua kan hriat dan leh pawm dan, a thu kan zawm dan hian ram inrelbawl dan te, khawtlang nun dik leh tha te, Pathian duh dan anga kohhran din te, mi tinin kan nun dana Pathian tihna kawngahte nghawng a nei thui thei viau ang. Isuan 'ka thu hriaa zawmte' a tih hi a pawimawh hle. Hei hi Isua hriat dan dik tur chu a ni ang. Isua dik taka hretute chuan Isua thu an nunpui a, Isua thu hretute an ni.

Dik taka Isua hretute nunah chuan inhnualsuatna, inhnehchhiaha, inhmusitna leh inhuatna a awm lo va, thutak nunpuina a lang thin. Dik lo taka thil tih a nihin an thinrim ngam a, an dodal ngam a, dikna tundin a nih theih nan hma an la thin. Tute chungah pawh hleilenna a awmin an do let thin. Mahni mihringpui hniam zawk, chak lo zawkte ngaih pawimawh loh tlatte hi Isua hriatna dik atang chuan a chhuak thei lo. A chhan chu Isuan a

rawngbawl na pum puiah khan tute mah a thlei bik lo va, Pathian anpuia siamte an ni tih kha a nun chhuahpui vang a ni. Isua zuitu intite hian Isua hi kan zui a nih ve ngai chuan, a nun anga kan nun ngam ve a ngai a. Chu chu Isua hriatna dikin a phut tlat a ni.

Isua hi tu nge le?

Hmeichhiate hian kan dinhmun atangin Isua zawhna hi kan chhan let a ngai a ni. Chhungkuaah, ram rorelnaah, ei leh bar zawnna kawngah, khawtlang nunah leh kohhranahte kan dinhmun kan hriat chian a ngai hle. Mi tam takin kan nihna tak hi kan ngaihtuah Chiang ngai lo va. Fim taka kan ngaihtuaha, kan harh chhuah a hun hle.

Latin America ramten an ni tin nun leh an khawsakna atanga Isua zawhna an chhang ang hian keini pawhin kan dinhmun leh nihna atanga Isua kan thlir a tul hle awm e. Mizo khawtlang nun leh inkaihhruaina te, chhungkaw inenkawl dan te, ram inrelbawl dan leh kohhran kalphung te kan zir chian

chuan mipa thuneihnaa innghat a ni. Pathian thu nena a kal kawp phawt chuan chu mi chhungah chuan mi zawng zawng an tel thei a ni. Pathian duh zawngin heng inrelbawlna leh inkaihhruaina hi a kal rem thei hle awm e. Amaherawhchu, hengahte hian kan kalphungah, a bik takin hmeichhiate kan tel tlem hle a, rethei zawkte pawh kan pawnlang tial tialin a hriat baw. Hei hi Pathian duh zawng leh a chatuan remruat a ni em tih ngaihtuah chian erawh a tul hle mai. Tuna kan inrelbawl dan hrang hrangte hi Pathian thu nen a inmil em tih pawh kan inzawh a ngai baw. Hmasawwna leh changkanna in kan ram a hrual vel karah hian kan dinhmun hi kan bih chian a ngai viau baw. Rethei leh hausa inkarte, hmelhriat nei tha leh tha lo inkarte hi a zau tawh em? Rethei zawkte hian ram inkaihhruainaah te, khawtlang dinhmunah te rahbeh kan tuar ve tan em? A nei zawkte hi an lo lian thur thurin retheite hian an nei ta lo tulh tulh em? Eng

dinhmunah nge kan din ve?

Heng kan dinhmun atang hian Bible-in Isua min kawhhmuh hi kan hriat chian a tul hle mai. A rawngbawlna atanga kan hmuh Isua hi kan hriat chian a pawimawh a ni. A rawngbawlna atang te, a rawngbawlsakate atang leh a ngaih pawimawhte atangin Isua hi tu nge a nih kan hre leh thei baw. A thuchah laimu ber leh a thuken atang te a nun dan leh a duh zawng atangtein Amah kan hre thei baw.

Isuan mite thlarau damna chauh a ngaih pawimawh a ni lo va (cf. Lk 4:18), an ni tin nuna harsatna thlentute laka chhan chhuah kha a tum a ni. An rilru, taksa, thlarau damna pek kha a rawngbawlnain a ken pawimawh tak chu a ni. Pathianin a siam chhan ang taka he khawvela an chanvo mi tinten an chan theih nan rawng a bawl a ni.

Tichuan, keini hian Isua hi tu nge nia kan hriat ve? Isua zawhna hi engtin nge kan chhan ve dawn?

Tlangkawmna: Kan dam chhungah ngei hian Lal Isua zawhna hi mi tinin kan chhan a ngai. Harsatna leh buaina kan tawh mek su kiang turin Isua a awm a, a ching fel thei a ni. Isua hriat dan dikin kan rilru sukthlek dik tawh lote a siam tha thei a, kan nun dan fel lote min hruai dik thei a ni. Isua thiltihtheihna hi kan thih hnuah nge kan hman dawn tun dam chhung ngei hian? Isuan kan thlarau

damna chauh ni lovin kan rilru leh taksa damna hi a ngai pawimawh a ni. Kan ram leh hnam, chhungkua, khawtlang leh kohhranin damna famkim a lo chan theih nan Isua zawhna hi chhang ta ila, chu kan chhanna chu ni tina kan nun min kaihruaituah hmangin he leiah ngei hian Pathian ram chu a takin kan din thei ang. Chutiang ti tur chuan hmeichhiate pawnin tih tur pawimawh tak kan nei a ni.



Mother Teresa ṭawngṭaina

“I thu ni rawh se, Lalpa, nangin ti tura min duh chu hlen turin i hmangaihna hian min tir lui a nih hi. I chakna ringin ka hawi kir lo vang. Tun aṭang chuan i chipui mi retheite chu ka chipuite an lo ni tawh ang a, ka chenna chu mi retheite zingah ni lo, retheite zinga rethei berte zingah, tenawm leh bawlhhlawh an nih vanga khawvelin a hnuchhawnte zingah, tuisik pawh lem thei tawh lo khawpa dam lo zingah, hrikhrah leh khumfa zinga mute zingah a ni tawh ang. Ṭahna tur mittui takngial pawh nei tawh lo khawpa rethei leh, miten ‘khawih thiand lo’ an tihte chu ka unaute an ni ang a: anmahni hmanga Nangmah pawl turin ka inpe e.”

‘CHI THLAH PATHIAN NGAIHSAK A ZAWNG’

(Malakia 2:15)

- Pastor R. Lalengzauva
Zonuam Bial

Chi thlah chungchang thupek hi kan Bible-ah hian kan hmu hnem hle mai. Kan hmuhna apiangah tam tak a ti zel a, hei vang hian kan Pathian hian chi thlah chungchangah chuan a tam lamah bituk a nei lo tih a Chiang a ni. Mizo Synod a la kal dikzia tilangtu leh min tilawm em emtu chu Pathian thupek ropui tak chi thlah chungchang tihlawhtling tura a zirtir zel leh Synod Inkhawmpui pawhin vawi duai lo a rel nawnin booklet hial a chhuah thin hi a ni. Chuvangin, kei pawhin a tulzia hriain kan puah chhuahpui ve a ni.

1. Pathian thupek leh duh

dan a ni: Chi thlah hi Lalpan a ngaih pawimawh em avangin a sawina apiangah ‘tam tak nei rawh u’ a ti zel. Adamate hnena a sawi chauh ni lovin, tuilet hnuah Nova te, Abrahama te, Isaka te, Jakoba te hnenah pawh uar takin a la sawi zel. A hnu zelah pawh fa neih tam tur thupek hi a sutna kan hmu lo. Sam 127:3-5 ‘fanaute chu Lalpa laka ro chan, a lawmman min pek’ tih kan la hmu zui zel. Malakia 2:15-ah phei chuan ‘chi thlah Pathian ngaihsak a zawng,’ a la ti deuh deuh. Pathianin ‘chite pawh in thlah ang a,’ a ti mai lo. ‘Tam tak thlah rawh

u,’ a ti. Mihringte duh dan leh duh loh dan lam a ngaihtuah lo. ‘Chi tam tak thlah rawh u’ a tih avangin a thu awih a, thlah mai tur a ni. A duh zawng titute lawmman pek a tiam thin pawh thil dang ni lovin, fanau pek hi a ni fo. Chi thlah theihna malsawmna neitu chuan Pathian thu angin thlah pung ngei rawh se, chi thlah pung duh lo chuan Pathian a dodal a, khawvelah hian mihring hi awm zel lo se a tihna a ni.

2. Siamtu dinhmuna min dintirna:

Chi thlah malsawmna hi kan Pathian hian a dah ropui tak zet a,

chi thlah theihna min pek hi siamtu Pathian chanvo min tawmtirna ropui tak a ni. Vaivut atanga Adama siamtu khan mi dang tam tak pawh a siam thei. 'Vaivut mal nuai sangruk hi mipaah lo chang sela, vaivut dang nuai sangruk hi an nupui tur nula hmeltha takah lo chang rawh se,' ti sela a lo chang mai ang. Mahse, Lalpa chuan mipa pakhat leh hmeichhe pakhat inhmangaihna kaltlanga mi dang hrin pun zela, siamtu dinhmuna dintir a duh a ni. Pathian duh dan vawn nun hi kan mawhpurhna leh tih tur a ni.

3. Amah ringtu siam belh zelna: Chi thlah tam sawiseltu chuan Pathian a do a ni. Thenkhat chi thlah peih mang si lovin ramthim an vei viau va, hnam dang hriat ngai lohte hnenah Chanchin Tha hrilh an vei hle a ni thei e, chu chu kan tih zel tur pawh a ni. Hnam dang ringlo hrilh tur an tam si, mahse, hrilhtu tur kan tlem si. Chuvangin, a hrilhtu tur ringtu kan inthlah pun chak a ngai a ni. Mizo Kristianten kan hriat tur chu

- Hnam dang ringlo Kristiana siam ai chuan kan fate, kan rila rah ngei ringtu a siam a awl zawk. Fa pakhat lek ringtu neih ai chuan fa 10 ringtu neih a tha lehzual. Mahni fate Krista hnenah kan hruai thei lo a nih ngat phei chuan, hmun hla zawka hnam dang ringlote ringtua siam chu a va harsa lehzual dawn em! Hmun hla zawka missionary kal thulh chuang lovin, missionary tur hrin punah tan i la zual zel ang u.

4. Inneihna kaltlang ngeiin: Chi thlah thu kan sawi uar a, a pawnga taka tih tur chu a ni hauh si lo. Pathian duh dan leh ruat anga tih tur a ni. Kan sawi tawh angin Pathianin Adama a siam rual khan mi dang pawh a siam teuh thei; mahse, a siam lo, eng nge a chhan? Pathianin Adama leh Evi nupa tuak khat chauh chungah khan mi dang siam leh zel theihna thuneihna ropui tak chu a pe phal a ni zawk. Inneihna hmasa ber chu Pathianin Adama leh Evi hmangin a siam a, mo hruaitu hmasa ber pawh Pathian a ni.

Adama leh Evi inneihna kaltlangin chi thlah leilung luah khat thei hial khawp malsawmnain a vur nghal a ni. Chuvangin, chi thlah punna hi inneihna kaltlang a ni ngei tur a ni.

5. A paitu duat a ʈul: Huan neituin a thlaiten rah ʈa an chhuah theihna tur chuan a diptu then faisak te, a mamawh tui leh lei ʈa pek a ngai ʈhin angin, chi thlah Pathian ngaihsak kan hrinna tur kawngah hian a paitu, ‘Nu’ kan enkawl ʈat a ngai. Inkhawmpui rel thluk rup rup leh sawi uar vaka thleng mai thei a ni lo. Lalpa laka rochan fanau nei tur hian mihring lamin mawhpurhna kan nei ve. Fanau nei tur chuan chhungkuain mawhpurna sang tak kan nei a ni.

Pain a mawhpurhna a hriata, a hlenchhuah a ngai -

(1) Nau paitu chu a ei leh in tih ʈat tur.

(2) Damdawi thiamte rawn fova, a mamawh damdawi ʈa pek.

(3) Hlim taka siam leh hahdam taka awmtir.

(4) Pasal leh chhungte hmangaihna a dawng tur a ni.

(5) An tan ʈawngʈaisak tam tur.

(6) Chhangkhatna, mipa chi thahna ei hauh loh tur

Mizo Kristiante hian hmeichhia nau hringtu hi duat nachang kan la hre tawk lo hle a, a pawl a ni. Eizawngtuah leh thawk hah berah kan ʈantir a, anmahni khawngaih leh duat let ahnehin an lakah phut tam tak kan la nei zui a, Pa tam tak chu an lakah an la vui fo lehngal a, hei hi chu sim a hun ta. Nupuite thawh sa ring, nupuite chawm nih hi zah nachang hria ila, Mizo mipate hian ʈan i la ang u.

A tawp berah chuan, Lalpan chi thlah Pathian ngaihsak a zawn mek lai hian, keinin eng mah hre tak tak si lo hian kan duh dan danin kan intitawp a. Kan chi thlah dante hi i ngaihtuah chiang leh ang u. ʈhenkhatin chawm zawh tawk neih tur an ti a, amaherawhchu, kan chawm zawh tawk tur pawh kan hre tak tak lo, kan fate hi kan

chawm pawh an ni ber lo, Lalpa enkawl an ni zawk. Fa nei tlemte hian an chawm zo ni lovin, an chawm sual a ni mai zawk lo maw?

Mahni duh thua fa neih tlem ngawt pawizia i lo en teh ang -

(1) I fa lo piang hmasate hi an puitling ngei dawn tih i hre lo va.

(2) A palina nge, pasarihna Pathian bel ruat i hre bawh hek lo.

(3) *I fa eng zatna* khan nge nu leh pa chawm anga, chhungkua khaiding ang tih i hre hek lo.

(4) Pathian thu lova, i duh china pahni emaw, pathum emaw i neih hnua i intitawp a niha, dam puitling lo leh suahsual rawngbawl an lo nih pawhin Pathian dem suh ang che. I thalbea chi nung lo la piang tur Lalpa ruatte i dang bet a ni si a. He thu ziaktu ngei pawh hi ka nu leh pa, leh Pathian chungka lawmna fo chu, ka nu leh pain Pathian thu zawma, ka lo pian ve theihna tura fa 8 thleng min hring peih hi a ni. Lalpa bel

ruat Lalpa rawngbawl ngei tur pawh ka ni e.

Synod-in hma a lakna bawhzuiin Zonuam Bial chhunga Kohhran pahni pawhin hetiang hian hma an la a ni -

Pathian duh zawng leh hmeichhe dinhmunte hre rengin -

(1) Luangmual Vengthlang Kohhran chuan kum 2012 atang khan kohhran chhunga nau piang lawmpui nan cheng Rs. 1,000 zel pek an ni. Mi pariat hnenah pek a ni tawh.

(2) Zonuam Kohhran chuan kum 2013, September thla atangin hmeichhiain fa pali a neih chuan Rs. 2,000 an pe a, a panganaah chuan Rs. 4,000, a chung lam pawh Rs. 2,000 zelin an pun dawn a ni.

He thil hi nau nei zel tur tan chuan chanchin lawmawm ni tur ngaih a ni. Hei aia nasaa ti thei kohhran pawh in awm ngei ang tih kan ring. Chi thlah Pathian ngaihsak an lo pun zel theih nan kohhran-hovin hma i la zel ang u.

PATHIANNI

- C. Januari
Ramhlun South

Tuk khat chu mitthi inah ka kal ve a, ka hmelhriat pakhat, kohhranah pawh inhmang ngai lem lo hian min lo bia a. A ṭawngkam pakhat “Pathiannia kawngkhar mawi hawn chu a mizia nen a inhmeh khawp mai!” a ti a. “Pathianni tiin i sawi ṭhin a ni maw?” ka ti a, “Teh reng mai, Biak inah kal lem lo mah ila ka tlin ang tawk tawkin ka serh ve maw le,” a ti vei roh a.

Kohhrana inhmang tak takte hian ‘Pathianni’ ti lova ‘Chawlhni’ kan tih te, Kohhrana thupuangtuten ‘Sunday’ tia an lam rikte hi ka ngaihtuah zawm a. Kan missionary-te phuah nge Kristian hmasate phuah? Eng huna an phuah nge, tih lampang chu ka hre hauh lo va, Mizo ṭawnga Pathianni tia an lo vuah hi a ropui ka tiin a inawm hlih hlih hian ka hre thar a. A nihna a phawk fuh hle awm e. Pathianni lo pawh chawlhkar ni hrang hrang hming an lo phuah dan hi a fuhin a kan hnam zia leh kan ni tin hna nen a va inhmeh hlawm em! A Mizo ṭawng ngata sawi hi a hlu thar riaua hriatna min neihtir hle.

Sappui hnam fing zawkte pawhin hetiang tak hian an ṭawnga ni hming nena inhmeh, a awmzia tar lang thei ṭawngkam hi an nei bik lo a ni ang, hnam dangte ni vuah dan an chhawm a, a ṭhen an siamrem mai ni awm takin: Monday-Roman lalnu (moon=thla, moon goddess) hming chawia phuah, Saturday-Roman lal Saturn-a hming chawia an phuah leh Sunday-Roman lal, ni pathian tia an sawi tak hming chawia phuahte a ni a. Tuesday, Wednesday, Thursday, Friday-te hi hmanlai hnam pakhat Norfe-ho Pathian leh an lal hming chawia phuahte an ni hlawm. Tuesday-Norfe lal Tyr hming chawia phuah, Wednesday-Norfe pathian

Odin, (woden tia lam thin) hming chawia phuah, Thursday, Odin-a fapa Thor hming chawia phuah, Friday Odin nupui, an pathiannu Fridg hming chawia phuah). Keini Mizote chuan chung nena inzawmna nei lo, a hrang daihin Thawhtanni, Thawhlehi, Nilaini, Ningani/Nilaithawhtanni, Zirtawpni, Inrinni, Pathianni /Chawlhni tiin chawlhkar ni hming, tha tak kan lo nei hi, a hlu danglam hle.

‘Sunday’ tia sawi chuan kan nunah kawngro a suin awmzia a nei tehchiam awm lo ve. Mi tam berin Sunday tia kan sawi chhan chu intihchangkan nan a Sap tawngin kan sawi liam ve satliah ni maiin a lang. Chawlhni tih hian kan hna atanga kan chawlhna ni, eng mah ti lova awl taka chawlh der derna ni a kaw k awm e. Pathianni tih hi chuan kan Pathian ta, a tana ni bik a kaw k a, chu chuan Pathian duh zawnga hman leh a duh anga awm a hril tel nghal a ni. Kristianna nena inhmeh taka Pathianni an lo vuah hi

a hlu a, hming danga thlak phal chi a ni lo va, Pathianni tih leh Kristiante ka hi a inhmeh hle a ni.

Mizo Kristian hmasate kha Pathianni serh leh hman uluk thua an invawng hle a, an entawn tlak hle. Kan eizawmna leh changkanna avangin khatiang tak khan serh uluk theih tawh loh mah ila, zawrh leh lei thua te, kan tawngkam leh incheina thua te, a tulna leh buaina lian thamin min deng a nih ngawt loh chuan kan thuneih theihna chinah chuan zin chhuah leh haw thua te, Pathian duh dan kan ngaihtuah thar fo va, urhsun zawka Pathian duh zawng tih nan, Thlarau lam nun hlawkpui nan hman tum ila. Pu Zosapthara’n KHB No. 560-a (Sap hla lehlin a ni a, chang 5-na hi a phuah belh a ni awm e);


Chawlhni Lalpa, hei kan duh e -

*Lei hi i Tempul ni vek se;
Ni narân rêng hi i biak ni,
Kan thawh ri hla chang se kan ti.*

Hei hian khawi hmun pawh kan awmna apiang hi Pathian duh zawng tihna leh amah biakna hmun biak in vek lo ni sela. Ni zawng zawng pawh hi Pathian biakna ni lo niin, kan hnathawh ri zawng zawng pawh Lalpa chawimawina rimawi, hla lo ni vek se (cf. Jh 4:21-24), a tih ang hi chu tuna kan nun, Pathianni pawh serh thei lo nun nen chuan a inhlath hle mai. Hetiang em hi thleng thei lo mah ila, Pathianni tal hi chu A duh zawng tih nan leh thlarau lam chaw lakna ni bik atan hman thei ila a duhawm hle. Chutiang tur chuan Inrinni pawh, Pathianni atana inrinna ni a nih angin, Pathianni atana

inbuatsaih nan hman ila. Taksa hah lutuka Biak ina inkhawmte hian kan chan tur thlarau lam chaw min chantir loh phah fo thin.

“Chawlhni bawhchhe lo tura, ka ni thianghlina i duh zawng ti lo tura i kephah chu i hawi kirtira, Chawlhni lawmawm i tiha, LALPA ni thianghlim chu zahawm i tiha, mahni kawng zawh lova, mahni nawmsak bawl lova, mahni thu sawi lova i chawimawi chuan, LALPA chungah chuan i lawm ang a, leilung hmun sangahte chuan ka chuantir ang chia, i pu Jakoba rochun thilin ka chawm ang che.” LALPA kâ chuan chu chu a sawi tawh a ni (Is 58:13-14).



Book Room News:

1. Paula Lung in Tan lekhathawn: Kum 2014 hian Puitling Sunday School-ah zir, Ephesi, Philippi, Kolossa & Philemona tanpui thei tur Revd Chuathuama buatsaih a awm e. A man Rs. 150

2. Natna leh a damdawite: Natna hrang hrang lar zual 105-te leh an damdawi, natna hming A AW B indawt dan anga rem khawm R.C. Thanga buatsaih Rs. 150 man lei tur a awm.

HRUAI BONA THLARAU

(1 Tim 4:1-2)

- Upa Zarzokima Khiangte
Shillong

India rama state-a ringtu tam bera inchhalna leh kohhran ngelnghet tak dinna, ringtu puitling leh ngheet tak tak awmna hmunah hian kohhran aṭanga kal peng – pawl chhuak kan tihte hi an ṭhahnem hle mai. Pawl thar a lo chhuak a, a la chhuak zel dawn pawh a ni ang. Engati nge, bumna thlarau hian min a zuam em em ni? Chhungril lamah hian kan tak lo vin kan ruak riau ta em ni?

Kal peng leh zirtirna dik lo kengtute hi awm thar an ni lo va, tirkhohte hun lai aṭanga awm tawh daih an ni. Kal pengho hian Pathian thuah hian pawm tlan an nei niin a lang, pakhat chu Thupuan 13:16-17 hi a ni. Hetah hian khawvela ro la rel tura sawi sakawlh chuan sawrkar leh kohhrante a thunun vek tura ngaih a nih avangin sawrkar nena inhnawnawihna awm chi reng reng – sawrkar hna, ration card, bank account neihte leh kohhrana awmte hi an duh lo niin a lang. He lai changah hian sakawlh mi leh sa chhinchhiahna a sawi a, chu chu an kut ding lamah emaw, an chalah emaw dah a ni dawn a. He chhinchhiahna nei lo chuan eng mah lei leh hralh

an ti thei dawn lo, an ti a. Sawrkar hna pawh an thawk thei dawn lo ni awm tak a ni. Sakawlh thuhnuaia kun ai chuan engkim chān an huam ta a ni. Hei hi sawifiahtu thenkhatte chuan Sap ṭawng takin ‘economic boycott’ an ti. Ei leh in, leh hna boycott tihna ni awm tak a ni.

Sakawlh chungchang hi chu hunin la tichiang turah ngai ta ila. Pope te, Napoleon-a te leh Hitler-a te an puh tawh a, kohhran puh tlattu lah bo lo. Thupuan bu chungchanga ngaih dan hrangte pawh tar lang lo ta ila, a bu vekina a hrilhfiahna hi a chiangah ngai ila, a him ber awm e: ‘chutichuan, i thil hmuh tawhte thil awm mek leh

tun hnua thil lo awm turte thu chu zia rawh (1:19). Bible bu danga kan hmuh loh Thupuan bu chauha thutiam awm a awm baw, chu chu a bu chhiara, zawmtute hnenah engthawlina, Pathianin a tiam hi a ni (1:3). Thupuan (Apocalypse)-khuhhawanna tih a ni a, pawm awm tak pawh a ni.

Engtin nge zirtirna dik lo lakah kan inven ang:

(1) Kohhranina a rawih bak thusawitu dang dang chu pan lo ila. Thu thar ngaihthlak kan chak huam huam thinna lakahte hian inven a tha.

(2) Pathian thu hi chhiar mai ni lo va, zir peih a ngai. Tirhkoh Paulan Timothea hnenah ‘thu tak thu fel taka hmang chu zak tur a ni lo angin, Pathian ngaiha tha in entir turin thahnem ngai rawh’. Lehlin tharah, ‘thu tak thu dik taka hmang thiamtu nih tum ang che’ a ti.

Setana hian kan Bible lo hi Bible dang a neih bik loh avangin zir nguna, a hmanna tur taka hman thiam a ngai a ni. Lal Isua leh Setana inbiak pawh khan Pathian thu nen


hlir a ni an inbeih. Setana chuan Pathian thu hmanna dik lova Lal Isua hmantir a tum kha a ni. Pawl chhuak leh kal pengho tih dan pawh an rinna nemngheh nan Pathian thu an hmang thin.

An zia: Pawl chhuaka kal pengte hian hruaitu an nei ziah thin, hengte hi thlarau dawthei - bumtu an ni a, Diabola hmanruate an ni. Lal Isuan Diabola pawh ‘dawthei leh dawtpa,’ a ti a ni (Jh 8:44). Engtin nge an dik leh dik loh kan hriat theih ang? A chhanna awlte pakhat chu, kohhran - Krista taksa, chhuahsan an duh chuan an dik tawh lo tihna a ni. Hetiang mite hian min kawm an tum pawhin hnar ngam a tha ber.

Lal Isuan, “Kei kawngkhar chu ka ni, tu pawh keimahah a luh chuan humhimin a awm ang a, a lutin a chhuak ang a, ei tur a hmu baw ang,” a ti (Jh 10:9). Kohhran hi hmun thianghlim leh himna hmun a ni a. Thlarau lam chaw kan eina tur pawh a ni. Kohhranah ei tur hmu tawh

lova inhriaa, hmun dang, a
sawi tlawr thiam thiam pan
thin chu rukru leh
chinghniaten an khawiha, an
seh nge nge thin.

Hetih rual hian, rawng-
bawltute pawhin kohhran miten
hmun danga ei tur an zawn
lohna turin ei tur tha pe tura
inpuahchah a tul hle.



HMANGAIIHNA IN THILPEK DAWNTE (July-Dec)
(Chunzawmna)

- | | |
|---|---------------------------|
| 137. Lalvanneia Sailo, Zotlang | Arsa & Ei tur hrang hrang |
| 138. 23 rd Sector Assam Rifles, Khatla | Buhfai, tel, Dal, etc. |
| 139. Lawmi Khiangte & Friends, Venghlui | Cake, Toys, etc |
| 140. Zemabawk West KTP | Artui |
| 141. Milk Producers Society, Thuampui | Mulco pack 17 |
| 142. Nepali kohhran, Bawngkawn | Rs. 2,000 |
| 143. Beginner Dept. Durtlang | Rs. 2,772, Biscuits, etc. |
| 144. R. Pachhunga & Family, Zarkawt | Rs. 5,000 |
| 145. Lalnuntluanga te chhungkua, Zonuam | Rs. 3,000 |
| 146. Amos Vanlalduata | Buhfai bag 1 |
| 147. Mizorammmawipuia, Vaivakawn | Thawmhnaw, Sweets, etc. |
| 148. Lalramthanga te chhungkua, Zarkawt | Toys, etc. |
| 149. Chhinga Veng East Thalai | Rs. 7,000 |
| 150. Lalthanpuui, Chaltlang | Rs. 7,000 |
| 151. Lalengzami, Zotui veng, Leitan | Rs. 1,000 & Sweets |
| 152. Andrew-a leh a thiante | Rs. 1,000, Sweets |
| 153. Hruaia te thianho | Ei tur |
| 154. Lalnunpuui (Mapuii) & friends | Rs. 2,500 |
| 155. Dr. Rotluanga te chhung | Ei tur |
| 156. Hming thup, Ramthar veng | Mawza |
| 158. Lalbiaknii te thianho, Durtlang | Sweets |
| 158. Pooja, Bawngkawn | Buhfai bag 1, Sweets |
| 159. Tepuia chhang, Bethlehem | Buhfai bag 1, chhang |
| 160. Thianzah | Diapers, Ei tur |

**Fahrah leh chanhai zawkte hnena in thilpek zawng zawng
hi Lalpan tana in pek a ni a, Lalpan rul leh che u rawh se.**

Hriselna Huang

THISEN HI ENG NGE A NIH CHIAH LE?

- Dr. Lalthanzuali

Blood Bank, Civil Hospital, Aizawl

Thisen kan han tih hian a lan dan pawh a keng tel a, mit lawnga ena tui rawng sen anga lang mai ni mah se mi thiamten an han zir chian chuan tui rawng sen mai a ni lo tih kum tam tak kal taah khan an hmu chhuak a ni. Kan taksaah hian thisen a awm zat tur aia a tlem lutuk emaw, a tam lutuk emaw a nih chuan kan taksa tan a t̃ha lo va, natna kan tuar phah t̃hin a ni.

Kan thisen hi timur (cell) leh tuiril (plasma) inbelh khawmin a siam a ni a.

BLOOD CELLS: Timur thisen a awm hi chi thumin a thliar theih a, Red Blood Cell, White Blood Cell leh Platelets tih an ni a.

Red Blood Cell: A pianhmang chu thleng t̃ê, a laiah a lehlam lehlama khwar tawn nei ang deuh hi a ni a, chu timur chhungah chuan thisen t̃isentu Haemoglobin a awm a, haemoglobin hi protein chi khat Globulin leh Iron inpawlh a ni. Red cell hi a awm tur zat ang a awm loh chuan thisen tlachham, ‘dang’ kan ti t̃hin a ni. Chutiang bawkin red cell hi a nih tur

aia a tam chuan natna chi khat polycythemiavera an tih chu a lo nei t̃hin. Red cell hian hna chanpual bik an nei a, chu hna chanpual chu eng lai pawhin an thawk ngat ngat mai a ni. Th̃awk kan han la a, kan chuapah boruak kan han hip lut a, chutah Oxygen boruak a awm chu chuap ãt̃angin Red blood cell-ah an lo pakai a, kan taksa bung hrang hrangah Oxygen chu a phur kual ta t̃hin a. Chuta phur kualtu chu red cell chhunga haemoglobin kha a lo tlem lo thei lo a, chu chuan a taksa mamawh tawh Oxygen chuapin a hipluh sa chu phur kualtu a awm ta lo va, kan taksa bung hrang hrangin a mamawh ang tawh

Oxygen a hmu thei lo va, dam lo chuan hna tlem te a thawh te, thui lo tê a kal pawhin a thaw a lo hah thuai thin. Miin haemoglobin a tlakchham nasat viau chuan a awm mai mai pawhin a thaw a lo chham thei thin a, thisen pekte pawh a lo ngai hial thin a ni.

Red blood cell hian Oxygen a phur kual mai ni lovin, kan taksa a Carbondioxide insiam chhuak pawh kan taksa bung hrang hrang atangin kan chuap a phur thleng a, kan chuapin a lo thaw chhuak ta thin a ni.

Mi hrisel tha pangngaiah chuan Red blood cell hi thisen ml. 1-ah 4.5 million (maktaduai li leh a chanve) a tanga 5.5 million (maktaduai nga leh a chanve) a awm tlangpui a. Red cell hi kan thling atanga insiam a ni a, kan thisen zamah hian ni 120 vel an hnathawh hun chhung tura ruat an ni a, an hna thawh hun chhung tur a ral hun chuan an lo keh chhe ta thin a ni. Red cell keh chhia atanga haemoglobin chhuak chu kan taksa khawlin a lo

phel darh ta thin a, haemoglobin keh chhia atanga a la bang iron chu kan taksain a lo recycle a, thisen thar siam leh nan a lo hmang tangkai leh thin a ni.

White Blood Cell: Thisen a cell chi dang awm leh chu White blood cell hi an ni a, haemoglobin an neih loh avangin an rawng hi a sen ve lo va, rawng an nei ve lo, red cell aiin an size a lian zawk a. Red cell ang tho hian hma hna chan pual an nei a, ral vengtu sipai an ni a, an ral beih dan hi chi khat mai a ni lo, sipaiten ral beih dan chi hrang hrang leh ralthuam chi hrang an nei ang hian kan taksa hi kan taksa natna hrikin a beih hian kawng hrang hrangin an lo veng himin an lo do let thin a ni.

Kan thisena white blood cell (Leucocytes an ti baw) hi chi ngain a thliar theih a, chungte chu Neutrophil, Lymphocyte, Eosinophil, Basophil, Monocyte te an ni a, Neutrophil hi white cell-ah chuan an tam ber a; amaherawhchu, an dam rei vak

lo a darkar 6 aṭanga ni rei lo te chauh an dam thei a ni. Lymphocyte-te hi chu an dam chhung a inang lo va, a ṭhente chu kar rei lo te an dam a, kum tam tak chhung dam thei an awm bawk. White cell ṭhenkhat hi chu thisen zam chhuahsanin kan taksa bung hrangah an kal darh a, chu tah chuan natnain kan taksa a beih laka ven hna an thawk ṭhin.

Platelets: Hei hi chu thisen tihkhang lamah an ṭangkai thung a, kan intihpem palh te hian kan thisen zam a platelet awm kha a hliam laiah an rawn inhawr khawm thuai a, chu chuan kan thisen zam hliam kha a rawn char phui thuai ṭhin. Platelet hian kan thisena thisen tikhangtuho kha an chawktuo va, thisen khang an siam a, chu chuan thisen zam aṭanga thi put tur kha an dang ta ṭhin a ni. Haemophilia an tih natna neite hi Coagulation factor VIII ṭlachham an ni a, intihpalh hlekah pawh Coagulation factor VIII tamna, thisen tui fim lam (Fresh Frozen Plasma) pek an ṭul hial ṭhin.

Plasma: Thisena tuiril lam pang eng dalte hi Plasma chu a ni a, Plasma-ah hian tuisik pangngai leh thil chi hrang hrang protein, sugar, thau (lipid), vitamins chi hrang hrang, hormones, antibodies, nutrients leh chemical chi tam tak an awm a. Plasma hi kan thisena cell-te kan taksa bung hrang hranga luan darhtir theitu an ni.

Mi hrisel ṭha pangngai chuan a ṭlangpuin taksa buk kg. 1 zelah thisen 76 ml. mipain an nei a, hmeichhia chuan taksa buk kg. 1 zelah 66 ml. an nei a, kan taksain loh theih lohva a mamawh zat chu rih zawng kg. 1 buk zelah 50 ml. chauh a ni a. Mipa kg. 50-a rit chuan thisen 3800 ml. vel a nei a, loh theih loha a mamawh zat chu 2500 ml. vel a ni a, thisen reserve a neih zat chu 1300 ml. vel a nei a nih chu. Hmeichhia chuan buk inangah mipa aiin thisen kan nei tlem zawk a, hmeichhia kg. 50-a rit chuan thisen reserve kan neih zat chu 800 ml. vel a ni thung a.

Miin thisen 350 ml. a pekin thisen tam lam (Blood Volume) chuan darkar 48-72 hours velah ngai a awh leh thin a, amaherawhchu, thisen tak lam hian hun a duh rei deuh, kar 6-8 velah thisen tak lam hian a ngai a awh leh thin.

Mi hrisel tha pangngai tan chuan thisen pek hi thil hlah awm a ni lo va, hun rei lo teah ngai kan awh leh nghal mai thei a, ngai awh tawh hnuah pawh pek leh mai phal a ni lo va, India ramah chuan thisen hi thla thum danah chauh pek theih a ni. Thisen pek hi mahni tan pawina awm si lo mi dang tana damna thlentu kan ni thei a ni. Mi thiamte chuan thisen pek vanga ei leh in intuituah a ngai lo va, chaw tha pangngai kan ei khan thisen peka kan hloh

zawng zawng chu a rawn luh khat leh mai thin an ti.

Mizote hian thisen pekah hma kan sawn nasa em em a, tunah chuan tlawmngai pawl hrang hrang leh mi mal tlawmngaiten blood bank a dah that tur thisen pek lawk kan ching ta a, hei hian damlo thisen mamawhte a tanpui nasa hle. Hetiang a thisen dah khawl sa hi damlo chhungte inpun buai ngai lovin thisen mamawh tan Blood Bank atangin a thlawn liau liauin, awlsam tein an lak chhuah theih phah thin a ni.

Hetiang taka thisen pek lamah hma kan sawn lai hian thisen pek hi pek zawh tih a awm thei lo, kum tir atanga kum tawp thleng hian, 'thisen mamawh an awm reng' tih hriain thisen pek hi i ching zel ang u.



Kan kawngte chu fiahin en ngun ila, LALPA lam i hawi ang u.

Ṭah Hla 3:40

HMANGAIHNA IN THILPEK DAWNTE (July-Dec)

- | | |
|--|------------------------|
| 1. Mabiaki, Dam Veng | Diapers, Biscuit, etc. |
| 2. Samtlang Poultry Association | Ar pum 14 |
| 3. Sairang Dintar Bial Sac. Dept. | Sweets Packet |
| 4. Malsawmthari, Champhai Bethel | Naupang mamawh |
| 5. BSF, Durtlang North | Eitur chi hrang hrang |
| 6. Bawngkawn Hmarveng K. Hmeichhia | Rs. 3,000 |
| 7. Michael Lalrozama | Ei tur, Arsa |
| 8. Julie Lalrinfeli, Serchhip Bazar Veng | Thawmhnaw |
| 9. Phunchawng NPSS | Rs. 2,030 |
| 10. Mawitea | Rs. 1,000 |
| 11. C. Lalrinawma | Rs. 1,000 |
| 12. Tetei, Chanmari | Thawmhnaw |
| 13. Mamit Field Veng K. Hmeichhia | Rs. 3,000 |
| 14. Kolasib Diakkawn Dept. | Rs. 5,270 |
| 15. Zuangtui Kawl Fellowship | Rs. 1,000 |
| 16. Upama Ghimere, Bawngkawn | Cake leh ei tur |
| 17. Chaltlang Lily Veng Beg. Dept. | Rs. 2,000 |
| 18. Sesawng Bial Koh. Hmeichhia | Rs. 1,120 |
| 19. Upa C. Lalrintluanga | Rs. 30,000 |
| 20. Ramhlun Vengthar Bial Hmeichhia | Artui, Biscuit |
| 21. Zamuang Presbyterian Kohhran | Rs. 3,000 |
| 22. Champhai Bethel Koh. Hmeichhia | Rs. 6,000 |
| 23. Tuikual Kohhran Hmeichhia | Rs. 3,000 |
| 24. Leitan Pastor Bial Koh. Hmeichhia | Rs. 12,000 |
| 25. David Biswa, Leitan Ramthar | Rs. 6,500 |
| 26. Thian Pawl, Laipuitlang | Rs. 1,500 |
| 27. Sairang Pastor | Rs. 500 |
| 28. Laltlanthangi | Rs. 1,000 |
| 29. Lenchim Kohhran Hmeichhia | Rs. 1,000 |
| 30. Zawlpui Bial Koh. Hmeichhia | Rs. 3,960 |
| 31. Pi Lalthanpui & Pi Laldhawmi, ITIVC | Mawza |
| 32. Rangvamual Koh. Hmeichhia | Rs. 3,000 |
| 33. Tlabung Chawnpui Pastor Bial | Rs. 3,230 |

- | | |
|--|----------------------------|
| 34. NPSS, Saitual Bial | Rs. 8,700 |
| 35. Tura, Mizo Presbyterian Kohhran | Rs. 5,000 |
| 36. V. M. Hardware | Rs. 10,000 |
| 37. Beginner Dept, Ramhlun Vengthar | Rs. 2,000 |
| 38. Tuikual Kohhran Hmeichhia | Rs. 3,000 |
| 39. Pehlawn Kohhran Hmeichhia | Rs. 1,000 |
| 40. Upa C. Lalbiaktluanga, Dawrpui | Rs. 1,000 |
| 41. Pi B. Thangseii, Durtlang | Rs. 5,000 |
| 42. Youth for Christ, Saron Veng | Rs. 8,360 Thawmhnaw |
| 43. Zoremsanga techhung, Chaltlang Dingdi Veng | Rs. 7,000 |
| 44. Sawimawii, College Veng | Rs. 5,720 Mimi case 1 |
| 45. Zamzami | Rs. 500 chhang & sweet |
| 46. Silchar Mizo KTP Pastor Bial | Rs. 1,150 |
| 47. Chawngte L Bial KTP | Rs. 2,000 |
| 48. 3 rd IR Battallion MAP | Rs. 10,000 |
| 49. Willow Mount School, Durtlang Leitan | Rs. 1,000, ei tur |
| 50. Zawlpui Bial Kohhran Hmeichhia | Rs. 300 |
| 51. Dinthar Vengthlang Sac. Department | Rs. 1,160 |
| 52. Upa H. Lianmawia, Sihphir | Bawnghnute |
| 53. Pehlawn Kohhran Hmeichhia | Rs. 1,000 |
| 54. Malsawmi, Darlawn | Rs. 100 |
| 55. Model Veng Koh. Hmeichhia | Rs. 6,200 |
| 56. Presbyterian Bible School | Biscuits |
| 57. Tuikhuahtlang Koh. Hmeichhia | Rizai 34 nos |
| 58. Hortoki Gilgal Koh. Hmeichhia | Rs. 3,000 |
| 59. Hming thup, Bithday Lawmna | Artui case 1 |
| 60. Mualkhang KTP | Rs. 3,000 |
| 61. Ramhlun Venglai Koh Hmeichhia | Rs. 5,000 |
| 62. Pu Vanlalmangaiha & Pu Vanlaldawla,
Republic Vengthlang | Rs. 10,000 |
| 63. Ramhlun Kohhran Hmeichhia | Rs. 10,000 |
| 64. Cachar Kahrawt Kohhran Hmeichhia | Rs. 3,000 |
| 65. Bethlehem Bial Kohhran Hmeichhia | Thawmhnaw, Pheikhawk, etc. |
| 66. Republic NPSS Chawhnu Naupang | Toys, Thawmhnaw, etc. |
| 67. Lalngaihawma, Vaivakawn | Rs. 500 |

- | | |
|---|-----------------------------|
| 68. Mamit Hmun Sam Kohhran Hmeichhia | Rs. 1,000 |
| 69. Fatty VL Fakawmi Maubawl L, Saiha Dist. | Naupang lawm |
| 70. Dr. J. C. Lalremruata Electric Veng | Rs. 10,000 |
| 71. Upa KC Thanga te chungkua, Vanbawng | Rs. 1,000 |
| 72. Genesis English School, Bethlehem | Rs. 4,000 |
| 73. Chanmari Kohhran Hmeichhia | Rs. 5,000 |
| 74. Govt. Aizawl College Edn Dept. Thawmhnawleh hnathawksak | |
| 75. Maubawk Sikul Veng K. Hmeichhia | Rs. 3000 |
| 76. SMT C Mission Vengthlang | Sweets |
| 77. Rosebud School, Ramhlun Venglai | Rs. 40,000 |
| 78. Aizawl Kohhran Hmeichhia, Venghlui | Rs. 5,000 |
| 79. C. Zasiama, Saron Veng | Rs. 5,000 |
| 80. Laipuitlang Kohhran Hmeichhia | Ei tur chi hrang hrang |
| 81. Nunmawii te thian zaho, Sihphir VH | Thawmhnaw |
| 82. Sammy te thian ho | Towel, Basket, Ei tur, etc. |
| 83. Duhsaki chhungte | Rs. 500 |
| 84. Zemabawk North Kohhran | Rs. 2,000 |
| 85. Lalbiakzuali te thian zaho | Rs. 6,000 |
| 86. Pogo Thian zaho, Ramhlun South | Thawmhnaw, Ei tur |
| 87. Joseph-ate chung, Ramhlun Venglai | Toys, Sweets, balloon |
| 88. Awmteate chung, Ramhlun Venglai | Rs. 3,000 |
| 89. Chhuansangi te unau | Rs. 200 |
| 90. Mawii, Electric veng | Rs. 2,000 |
| 91. Tuikual Bial Kohhran Hmeichhia | Rs. 5,000 |
| 92. Jowai Kohhran Hmeichhia | Rs. 1,000 |
| 93. Zothansangi, Lianhmingthangi Chanmari 'W' | Thawmhnaw |
| 94. Hming thup | Artui case 1 |
| 95. Hming thup, Zion Street | Kamis thar 10 |
| 96. Pu Lal Thanhawla, CM | Rs. 5,000 |
| 97. Mualpheng Branch KTP | Rs. 10,300 |
| 98. R. Khawngginga Colony, Lily Veng | Rs. 5,500 |
| 99. Lalawmpuii Sailo te thian ho, Tuikual S | Thawmhnaw |
| 100. Greenland HSSCI-XII Sec B & D | Rs. 2,800 |
| 101. Vairengte Chhim Veng K. Hmeichhia | Rs. 13,605 |
| 102. Ramhlun East KTP | Toys |

103. Ramthar Vengthar KṭP	Motor
104. Durtlang Kohhran Hmeichhia	Artui& Cake
105. Hmingthankimi, Zemabawk North	Rs. 500
106. Khatla North Kohhran	Rs. 5,000
107. Thianzaho (Kapernaum), Ramhlun' S'	Dal bag & Toys
108. Dawrpui Branch KṭP	Tea Um-10 litres
109. Dawrpui Vengthar KṭP	Toys, Cake, Puanlum
110. Sevenphul Br. KṭP	Rs. 4,000
111. PWD Aizawl Building Division EU	Rs. 5,000
112. Pi Lalrinthangi, Zemabawk Venglai	Rs. 1,500
113. LPS Samari Mi tha	Rs. 10,000, Toys
114. Maubawk West Primary Dept.	Artui, Toys etc
115. Social Welfare (CWC)	Eitur
116. VBS, Vaivakawn Vengthlang	Rs. 4,600
117. KṭP, Khatla Pastor Bial	Rs. 8,150
118. R. Lalmuanpuia, Venghlui	Rs. 2,000, Sweets
119. Maruati, Electric Veng hriat rengna	Rs. 10,000
120. Zemabawk East Kohhran Hmeichhia	Rs. 4,000
121. Pu Saitawna, Durtlang	Rs. 5,000
122. BCA Basketball	Rs. 10,000
123. Nursery Veng Kohhran Hmeichhia	Rs. 6,000
124. Aijal Club	Rs. 20,000
125. Mami bag dawr & Valkyries	Rs. 4,000
126. Dr. Zothana	Thawmhnaw
127. KṭP Leitan Branch	Diaper, Biscuits
128. KṭP Kulikawn	Diaper, Walker-3, Eitur etc
129. Thianzaho, Durtlang Mual veng	Rs. 200
130. Upa Zothanmawia, Khatla	Rs. 2,000
131. Sawmtei Group, FB	Rs. 4,000
132. Centenary Kohhran Pavalai Pawl	Rs. 4,300
133. Himali KṭP Br.	Rs. 5,930
134. Pu Albert Liantluanga, Ramhlun North	Rs. 10,000
135. Upa Lalhmasaa, Chawnpui	Rs. 2,000
136. H. Hmingropaia, Bawngkawn S	Cake

Phek 22-ah chhunzawm...

*Hruaitute chanchin***PI RALLIANTHANGI**

Pi Rallianthangi hi Upa R. Chalmawia (L) leh Pi Liangngengi te fa pariat zinga a naupang ber dawttu a ni a. Kum 1991 khan Lalbiakngura nen inneiin fa hmeichhia pathum leh mipa pakhat an nei a, tunah I.T.I. Vengah an khawsa mek a. Ni tin hnathawhah chuan Synod Office-ah Office Assistant hna a thawk mek a ni.

A tleirawl tet lai atanga kohhran belin NPSS zirtirtu a ni chho va, KṯP-ah hruaitu a ni bawk. Zaipawla tel hi nuam a ti a, Kohhran Hmeichhe zaipawlte pawh a hruai ve thin. Kum 2001 atangin Kohhran Hmeichhe Committee-ah a tel tan a, kum 2003 atangin O.B.-ah lutin tun thlengin he rawngbawl hna hi

a la chelh a, tunah an Kohhranah Chairman a ni a, Bialah chuan 2003 khan Committee member-ah telin, 2010 atangin O.B-ah awmin tunah hian Asst. Secretary a ni mek a, Bial Buhfaiṯham ziaktu a ni tawh bawk.

Tualchhung Kohhranah Thuhriltu, Puitling S.S. zirtirtu, Kristian Chhngkaw Committee member a ni.

Bible bu hrang hrangah hian Chanchin Tha Johana ziak pum pui hi a duh ber a. Kristian Hla Bua a hla duh ber chu No. 323-na “Krista rawn pan la, bo rei duh lovin” tih hi a duh ber a ni.

“Kan ṯhalai, kan tu leh fate sualin min mansakte hi tha thlah lovin i um zel ang u, ‘Um rawh, i um pha ngei ngei ang a, i chhan chhuak vek ngei ngei ang,’ (1 Sam 30:8) tia Lalpan Davida hnena a sawi kha min tichaktuah i hmang zel ang u, Kumin kum tharah hian nikum aia tam hruai turin i inbuatsaih ang u,” tiin chhiartute min chah a ni.

PI B. ZOMAWITHANGI

Pi B. Zomawithangi hi Upa Sangduna leh Pi Rothluaii (L)-te fa pangana niin kum 1973 khan Samthang khuaah a piang a. Unau hmeichhia panga leh mipa pahnih an ni.

Kum 1994 khan Upa C. Lalnundanga nen inneiin fanu pakhat leh fapa pakhat an nei a, Bung Bangla-ah an cheng a ni.

Pi Zomawithangi hi Naupang Sunday School zirtirtu leh Naupang Sunday School Superintendent-te a ni tawh a. Kristian Thalai Pawlah Office Bearer-te pawh a ni tawh bawk. Kum 1998 aṭang khan Bung Bangla Kohhran Hmeichhe Committee Member-in a awm ṭan a, Chairman, Sec-

retary Asst. Secretary-te a ni tawh a, tunah hian Bung Bangla Kohhran Hmeichhe committee-ah ziaktu a ni mek.

Kohhran lamah chuan Puitling Sunday School zirtirtu, Kristian Chhungkaw Committee member leh Thuhrlitu a ni mek.

An Bial an indan hma hian Zemabawk Pastor Bialah Committee Member leh Bial Buhfaiṭham ziaktu a ni tawh a. Tunah hian Airfield Vengthar Pastor Bialah Bial Secreary chanvo a chelh mek.

A Bible chang duh zawng chu Sam 37:5 *“I awm dan tūr chu LALPA chungah nghat la; Amah chu ring la, aman a ti vek ang.”* tih leh Johana 11:44 *“Tin, mitthi chu a kut a ke thlân puana tuam chungin a lo chhuak ta a, a hmai pawh inhrûkna puana tuam a ni a. Isuan an hnenah, “Phelh ula, kaltir rawh u,” a ti a”* tihte hi a ni. A hla duh zawng chu KHB No 150-na *‘Khawvel hi bo mah se Isua ka nei,’* hi a n.

KUM 2013-2015 INKHAWMPUI LIAN HRUAITUTE

Chairman	:	Pi C. Lalhmgangaihi
Vice Chairman	:	Pi Rochuangkimi
Gen. Secretary	:	Pi H. Lalpianthangi
Asst. Secretary	:	Dr. Vanlalhruali
Treasurer	:	Pi C. Lalneihthangi
Fin. Secretary	:	Pi Vanlaltluangi

Committee Member-te

- | | |
|----------------------------|---------------------------|
| 1. Pi K. Lalthangmawii | 2. Pi C. Lalrinliani |
| 3. Pi Parchhuaki | 4. Pi Ramngaihsangi |
| 5. Pi Laltlanthangi | 6. Pi Rosangpuii |
| 7. Pi Rochhungi | 8. Pi Lalthansangi |
| 9. Pi Zohmachhuani | 10. Pi H. Kapthangi |
| 11. Pi Lalrinzuali | 12. Pi Lalrindiki |
| 13. Pi B. Zomawithangi | 14. Pi C. Romawii |
| 15. Pi Lalsiammawii | 16. Pi C. Zopari |
| 17. Pi R. Rengkhumi | 18. Pi Tlangmawii |
| 19. Pi Lalhmingmawii Sailo | 20. Pi Zothanpari |
| 21. Pi Rallianthangi | 22. Pi Maria Lalchhanhimi |
| 23. Pi Vanlalhruali | 24. Pi P.C. Nuzawni |
| 25. Pi Lalpianthangi | 26. Pi Sailuti |
| 27. Pi K. Vanlallawmi | 28. Pi Lalbiakengi |
| 29. Pi C. Chawngpuii | 30. Pi Vanrammawii |
| 31. Pi Liankimi | 32. Pi Lalrokimi |

Ex-Officio Member-te

1. Rev. K. Lalmuchhuaka, Synod Moderator
2. Upa H. Zoliana, Synod Secretary (Sr.)
3. Rev. Lalramliana Pachuau, Executive Secretary i/c Women
4. Pi Laltlanmawii, Ex-Chairman
5. Pi H. Lalfakmawii, Co-ordinator

KOHRAN HMEICHHIA

Thupui : Thuhretu atana koh (Tirh. 1:8)

- Din chhan:**
1. Kohhran pum rawngbawlna tihlawhtling tura thawhho.
 2. Kristian chhungkua din nghehtir tura tan lak.
 3. Tanpui ngaite Krista hminga tanpui.
 4. Chanchin Tha puan darh.



Postal Regn. No. MZR/ 53/ 2012 - 2014 RNI Regn. 40876/ 88



Tuidam Bial leadership training & Kristian chhungkaw campaign



Chiahpui Golden Jubilee



Presbyterian Women's Joint Conference, Phai Synod, Myanmar

To

Published by Rev. Lalramliana Pachuau, Aizawl - Mizoram On behalf of Agape Association.
Printed at Synod Press, Mission Veng, Aizawl - 796001 Copies - 39,400

www.MIZORAMSYNOD.org